

## CONSELLERÍA DE EDUCACIÓN E ORDENACIÓN UNIVERSITARIA

**Organismo: Secretaría Xeral**

Capítulo:	
Epígrafe:	

### SUMARIO:

Resolución do ...de febreiro do 2008, da Secretaría Xeral da Consellería de Educación e Ordenación Universitaria pola que se comunica a apertura dun prazo para solicitar prazas de interinidades ou substitucións para impartir docencia de relixión nos centros públicos de educación infantil, primaria, educación infantil e primaria, centros públicos integrados e institutos de educación secundaria.

### TEXTO:

(Escribir a dous espacios)

Por Orde do 17 de xullo de 2007 regúlase a relación laboral do profesorado de relixión e dítanse instrucións relativas á provisión de postos. No artigo 7.3 da citada orde, relativo ás novas contratacións, establécese que cando existan necesidades de profesorado de relixión que non sexan cubertos polos concursos de traslados nin por profesorado que xa prestase servizos como profesora ou profesor substituta ou substituto de relixión, nomearanse aquelas persoas que lles corresponda unha maior puntuación aplicando o baremo que se estableza para o sistema de provisión.

Para este sistema de provisión, o artigo 6.2 da Orde do 17 de xullo de 2007 determina que se terán en conta, polo menos, a experiencia docente como profesor de relixión, de maneira preferente nos centros públicos e no mesmo nivel educativo da

praza á que se opta, as titulacións académicas, de modo preferente as máis afíns, polo seu contido, á ensinanza de relixión e os cursos de formación e perfeccionamento, de modo preferente, tamén os máis afíns polo seu contido á ensinanza de relixión.

Resultando necesario proceder a cubrir prazas de interinidades e substitucións de profesorado de relixión, esta Secretaría Xeral resolve anunciar a apertura dun prazo para realizar as solicitudes de acordo coas seguintes bases:

#### Primeira.- Obxecto

Comunícase a apertura dun prazo para solicitar posibles interinidades ou substitucións nos niveis educativos de educación infantil e primaria, educación secundaria obrigatoria e bacharelato nos centros docentes públicos dependentes da Consellería de Educación e Ordenación Universitaria.

#### Segundo.- Requisitos.

- a) Ser español ou nacional dalgún dos estados membros da Unión Europea ou nacional dalgún Estado ao que en virtude dos tratados internacionais celebrados pola Unión Europea e ratificados por España sexa de aplicación a libre circulación de traballadores, ou ser estranxeiro con residencia legal en España e autorizado a traballar ou en disposición de obter unha autorización de traballo por conta allea.
- b) As previsións do punto anterior serán de aplicación ao cónxuxe dos españois e dos nacionais doutros estados membros da Unión Europea, calquera que sexa a súa nacionalidade, sempre que non estean separados de dereito, sexan menores de vinte e un anos ou maiores da data idade dependentes. Así mesmo, poderán acceder os estranxeiros con residencia legal en España.
- c) Ter cumpridos dezaseis anos de idade.

- d) Non padecer enfermidade nin estar afectado por limitación física ou psíquica incompatible co desempeño das correspondentes funcións.
- e) Non ter sido separado, mediante expediente disciplinario do servizo de calquera Administración pública, nin estar inhabilitado para o exercicio das súas funcións. Os aspirantes cuxa nacionalidade non sexa a española, deberán acreditar igualmente non estar sometidos a sanción disciplinaria ou condena penal que impida no seu Estado de orixe o desempeño das súas funcións.
- f) Declaración Eclesiástica de Idoneidade (D.E.I.) ou Declaración Eclesiástica de Competencia Académica (D.E.C.A.) da Conferencia Episcopal Española, para o nivel educativo correspondente.
- g) Proposta de idoneidade e “Missio Canónica” do Bispo diocesano.
- h) Estar en posesión do certificado de lingua galega 4 (Celga 4), ou do certificado de perfeccionamento de lingua galega, ter a validación correspondente ou seperalo a través de proba libre.
- i) Para impartir docencia no nivel educativo de educación infantil e primaria, título de mestre ou equivalente.
- j) Para impartir docencia no nivel educativo de educación secundaria obrigatoria ou bacharelato, título de doutor, licenciado, enxeñeiro, arquitecto ou equivalente.

### Terceiro.- Forma de participación

Os participantes presentarán unha única instancia, aínda que soliciten máis dunha provincia, acompañada dunha folla de alegación e autobaremación, axustada ao modelo que se atopará a disposicións das interesadas e interesados no enderezo electrónico ([www.edu.xunta.es](http://www.edu.xunta.es)) e simultaneamente presentarán para a demostración dos

méritos, os documentos salientados no baremo que aparece como anexo nesta orde, en cada un dos cales deberá facerse constar o nome, apelidos, especialidade e corpo.

Os participantes presentarán, ademais, os documentos xustificativos de reunir os requisitos establecidos no epígrafe segundo, agás os apartados d) e e) que serán xustificados ante a Delegación Provincial no momento de tomar posesión do primeiro nomeamento.

A instancia dirixirase á Secretaría Xeral da Consellería de Educación e Ordenación Universitaria.

Todas as fotocopias que se remitan deberán ir acompañadas das dilixencias de compulsa. Non se admitirá ningunha fotocopia que careza da dilixencia de compulsa.

A Consellería de Educación e Ordenación Universitaria poderá requirir á interesada ou interesado, en calquera momento, a xustificación daqueles méritos alegados que non fosen debidamente acreditados.

Cuarto.- Presentación de solicitudes.

A instancia, así como a documentación referida no punto anterior, poderán presentarse nas delegacións provinciais da Consellería de Educación e Ordenación Universitaria ou en calquera das dependencias ás que alude o artigo 38 da Lei de réxime xurídico das administracións públicas e do procedemento administrativo común. En caso de que optasen por presentar a solicitude ante unha oficina de correos, farano en sobre aberto, para que a instancia sexa datada e selada pola funcionaria ou funcionario de correos antes de ser certificada.

Quinto.- Prazo de solicitudes.

O prazo de presentación de solicitudes e documentos será de trinta días naturais contados a partir do día seguinte ao da publicación da presente resolución no Diario Oficial de Galicia.

Sexto.- Baremo de méritos.

Os aspirantes serán ordenados segundo a maior puntuación no baremo de méritos que se publica como anexo I á presente resolución.

Sétimo.- Criterios de desempate.

No caso de que se producisen empates, estes resolveranse atendendo sucesivamente aos seguintes criterios:

- a) Maior puntuación nas epígrafes do baremo de méritos pola orde en que estes aparecen no anexo I desta convocatoria.
- b) Maior puntuación nas subepígrafes do baremo de méritos pola orde en que estes aparecen no anexo I desta convocatoria.

Oitavo.- Comisión de avaliación.

Para a avaliación dos méritos presentados polos participantes constituirase unha comisión presidida polo Subdirector Xeral de Persoal e polos funcionarios da Consellería de Educación e Ordenación Universitaria que determine o Secretario Xeral da mesma.

Esta comisión estará cualificada na categoría primeira para efectos do previsto no Decreto 144/2001, do 7 de xuño (DOG do 25 de xuño).

Noveno.- Reclamacións ás listas provisionais.

Os solicitantes poderán presentar reclamacións ás puntuacións provisionais no prazo de dez días naturais a partir da súa exposición.

Décimo.- Lista definitiva.

Consideradas as reclamacións ás que se refire a base anterior, a Secretaria Xeral procederá a ditar a resolución pola que se fan públicas as listas definitivas de solicitantes, por orde de puntuación.

Contra a resolución definitiva as interesadas e interesados poderán interpoñer recurso de alzada no prazo dun mes segundo establecen os artigos 114 e 115 da Lei 30/1992, do 26 de novembro, de réxime xurídico das administracións públicas e do procedementos administrativo común.

Santiago de Compostela, ---de -----de 2008

CONSELLEIRA DE EDUCACIÓN E ORDENACIÓN UNIVERSITARIA

Laura Sánchez Piñón

INSÍRASE NO DOG

## ANEXO I

I.- Experiencia docente		
1.1. Por cada ano de experiencia docente na impartición da área ou materia de Relixión, no mesmo nivel educativo ao que opta o/a aspirante, en centros públicos dependentes das administracións educativas.	1,000 puntos	Folla de servizos certificada pola administración educativa ou certificacións da/o secretaria/o do centro co visto e prace da dirección, na que debe constar a data de toma de posesión e cesamento na especialidade.
1.2. Por cada ano de experiencia docente na impartición da área ou materia de Relixión, en distinto nivel educativo ao que opta o aspirante, en centros públicos dependentes das administracións públicas.	0,500 puntos	Folla de servizos certificada pola administración educativa ou certificacións da/o secretaria/o do centro co visto e prace da dirección, na que debe constar a data de toma de posesión e cesamento na especialidade
1.3. Por cada ano de experiencia docente na impartición da área ou materia de Relixión noutros centros educativos.	0,150 puntos	Certificación da dirección do centro co visto e prace da Inspección Educativa, na que conste a data de toma de posesión e cesamento, especialidade e nivel educativo.
1.4. Por cada ano de experiencia docente na impartición de calquera área ou materia distinta da Relixión en centros públicos dependentes das administracións educativas.	0.125 puntos	Folla de servizos certificada pola administración educativa ou certificacións da/o secretaria/o do centro co visto e prace da dirección, na que debe constar a data de toma de posesión e cesamento e especialidade.
1.5. Por cada ano de experiencia docente na impartición de calquera área ou materia distinta da Relixión noutros centros educativos.	0,100 puntos	Certificación da dirección do centro co visto e prace da Inspección Educativa, na que conste a data de toma de posesión e cesamento, especialidade e nivel educativo
II.- Formación académica		
2.1. Por nota media no expediente académico no título alegado para acceder ás listas correspondentes		Certificación académica orixinal ou fotocopia compulsada, na que consten as puntuacións obtidas en todas as disciplinas e cursos esixidos para a obtención do título alegado.
Desde 7,51 ata 10	1,500 puntos	
Desde 6,00 ata 7,50	1,000 puntos	
2.2. Posgraos, doutoramento e premios extraordinarios.		
2.2.1. Polo certificado-diploma acreditativo de estudos avanzados (Real	1,000 puntos	Certificación académica ou fotocopia cotexada do título ou, se é o caso, do aboamento dos dereitos de expedición, conforme

decreto 778/1998, do 30 de abril), o título oficial de máster (Real decreto 56/2005, do 21 de xaneiro), suficiencia investigadora ou calquera outro título equivalente		á Orde do 8 de xullo de 1998 (BOE do 13 de xullo).
2.2.2. Por posuír o título de doutor en estudos referentes á materia recoñecida pola confesión relixiosa e homologadas pola Administración pública.	2,500 puntos	Certificación académica ou fotocopia cotexada do título de doutor ou, se é o caso, do aboamento dos dereitos de expedición, conforme á Orde do 8 de xullo de 1998 (BOE do 13 de xullo) e fotocopia do BOE na que se recolle a homologación
2.2.3. Por posuír outro título de doutor	2,000 puntos	Certificación académica ou fotocopia cotexada do título de doutor ou, se é o caso, do aboamento dos dereitos de expedición, conforme a Orde do 8 de xullo de 1998 (BOE do 13 de xullo)
2.2.4. Por premio extraordinario no doutoramento	1,000 puntos	Documento xustificativo
2.3. Outras titulacións universitarias. As titulacións universitarias de carácter oficial, no caso de que non fosen as alegadas como requisito para o acceso ás listas de interinidades ou substitucións, valoraranse da forma seguinte:		
2.3.1. Titulacións do primeiro ciclo:		
2.3.1.1 Por cada diplomatura en estudos referentes á materia recoñecidos pola confesión relixiosa e homologados pola administración pública	1,500 puntos	Certificación académica ou fotocopia cotexada do título alegado para o ingreso no corpo, así como de cantos se presenten como mérito ou, se é o caso, certificación de aboamento dos dereitos de expedición conforme á Orde do 8 de xullo de 1988 (BOE do 13 de xullo). No caso de estudos correspondentes ao primeiro ciclo, certificación académica na que se acredite a súa superación e fotocopia do BOE no que se recolle a homologación
2.3.1.2. Por cada diplomatura, enxeñaría técnica, arquitectura técnica ou títulos declarados legalmente equivalentes ao primeiro ciclo dunha licenciatura, arquitectura ou enxeñaría	1,000 puntos	Certificación académica ou fotocopia cotexada do título alegado para o ingreso no corpo, así como de cantos presente como mérito ou, se é o caso, certificación de aboamento dos dereitos de expedición conforme á Orde do 8 de xullo de 1988 (BOE do 13 de xullo). No caso de estudos correspondentes ao primeiro ciclo, certificación académica na que se acredite a súa superación .
2.3.2. titulación de segundo ciclo:		
2.3.2.1.. Por cada licenciatura en estudos referentes á materia recoñecidos pola confesión relixiosa e homologados pola administración	1,500 puntos	Certificación académica ou fotocopia cotexada do título alegado para o ingreso no corpo, así como de cantos presente como mérito ou, se é o caso, certificación de aboamento dos dereitos de expedición conforme á Orde do 8 de xullo de

pública		1988 (BOE do 13 de xullo), e fotocopia do BOE no que se recolle a homologación
2.3.2.2. Polos estudos correspondentes ao segundo ciclo doutras licenciaturas, enxeñaría, arquitecturas ou títulos declarados legalmente equivalentes	1,000 puntos	Certificación académica ou fotocopia cotexada do título alegado para o ingreso no corpo, así como de cantos presente como mérito ou, se é o caso, certificación de aboamento dos dereitos de expedición conforme a Orde do 8 de xullo de 1988 (BOE do 13 de xullo).
3.- Formación e perfeccionamento. Máximo 4 puntos.		
3.1. Por cursos e outras actividades de formación superados ou impartidos relacionados coa especialidade pola que se opte, organizados polas entidades relixiosas e recoñecidos ou homologados polas administracións educativas.	0,20 puntos por cada 10 horas	Certificado deles en que conste de modo expreso o número de horas de duración do curso. Deberá acreditarse, asemade, de forma que faga fe o recoñecemento ou homologación.
3.2.- Por cursos e outras actividades de formación superados ou impartidos organizados polas administracións educativas que se atopen en pleno exercicio das súas competencias en materia educativa, por institucións sen ánimo de lucro, que fosen homologados ou recoñecidos polas administracións anteditas, así como os organizados polas universidades ou entidades eclesiásticas.	0,10 puntos por cada 10 horas.	Certificado deles en que conste de modo expreso o número de horas de duración do curso. No caso dos organizados polas institucións sen ánimo de lucro, deberá acreditarse de forma que faga fe o recoñecemento ou homologación.

#### Disposicións complementarias:

Primeira.- Unicamente serán baremados aqueles méritos perfeccionados ata a data de finalización do prazo de presentación de solicitudes.

Segunda.- Para os efectos do epígrafe 1 non se poderán acumular as puntuacións cando os servizos fosen prestados simultaneamente en máis dun centro docente.

Terceira.- Non se baremarán os servizos prestados no estranxeiro.

Cuarta.- Nos seguintes epígrafes, por cada mes de servizo súmanse as seguintes puntuacións:

- no epígrafe 1.1.: 0,083
- no epígrafe 1.2.: 0,041
- no epígrafe 1.3.: 0,012
- no epígrafe 1.4.: 0,010
- no epígrafe 1.5.: 0,008

Quinta.- Para a obtención da nota media do expediente académico nos casos en que non figure a expresión numérica completa aplicaranse as seguintes equivalencias, con independencia da convocatoria na que se obtivesen:

- aprobado e apto: cinco puntos
- notable. Sete puntos
- Sobresaliente: nove puntos
- Matrícula de honra: dez puntos

Aquelas cualificacións que conteñan a expresión literal “ben” considéranse equivalentes a seis puntos. Non se terán en conta as validadas.

En ningún caso se tomarán en consideración na nota media as cualificacións correspondentes a proxectos fin de carreira, teses de licenciatura ou análogas.

No caso de que non se remita a certificación académica persoal e, no seu defecto, se presente fotocopia compulsada do título ou da certificación do aboamento dos dereitos de expedición, conforme á Orde do 8 de xullo de 1998 (BOE do 13 de xullo), considérase que o aspirante obtivo a nota media de aprobado.

Para os efectos de valoración do expediente académico do título alegado, os aspirantes que obtivesen o título no estranxeiro, e que deberán alegar no prazo de presentación de instancias, terán un prazo adicional de vinte días naturais, a partir do día seguinte ao que remate o prazo de presentación de solicitudes, para aportar certificación expedida pola administración educativa do país no que obtivo o título que indique a

nota media deducida das cualificacións obtidas en toda a carreira e exprese, ademais, a cualificación máxima e mínima que se poden obter de acordo co sistema académico correspondente, aos efectos de determinar a súa equivalencia coas cualificacións españolas.

Sexta.- En ningún caso serán valorados polo epígrafe 3 aqueles cursos que teñan como finalidade a obtención dun título académico.

No apartado terceiro computaranse ademais dos cursos, as xornadas, congresos, grupos de traballo, seminarios permanentes e os proxectos de formación nos propios centros.